



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Rubricis Proprij Missarum de Sanctis. XIII.

urn:nbn:de:hbz:466:1-40214

cio, ut videre est in Homilijs sanctorum Leonis I. & Gregorij Magni.

31 Ieiunium quoque cum statione coniungebatur, ex Tertulliano semel & iterum contra Psychicos, & in lib. 2. ad Vxorem. quod & nos retinemus in plerisque Stationibus, hoc est in Quadragesima, & Quatuor Temporibus.

32 Processionis item mentio est apud Tertull. loco cit. ad Vxorem, & à viciniori Ecclesia, vel non admodum remota, ibat Papa cum Clero ad Ecclesiam stationalem. Atque hinc fortasse Belethus cap. 6. & cum eo Dur. definire Stationem, hoc est Processionem sed erat terminus Processionis.

33 Significat Sixtus V. in prædictis verbis, diuersa fuisse loca stationalia, & hodie sunt quinque supra quadraginta, licet stationales dies Quadragesimales sint 54. & alij per annum 31. omnes 85. quia ad eundem locum sœpius itur; non tamen scire possumus, quæ antiquiora, quæ sunt posteriora. Ea verò omnia ordinavit S. Gregorius, ut aperte scribit 1o. Diaconus in

eius Vita lib. 2. c. 6. idemque concessit Indulgentias stationarias, quod hisce ijsdem verbis refert Bonifacius VIII. in Bulla 13. Aprilis anno 3. Pontificatus, in qua confirmat Indulgentias à Prædecessoribus concessas, & præterea concedit & ipse contritis & confessis visitantibus Ecclesiæ stationales annum unum, & dies 40. de vera Indulgentia: sed immensæ in unaquaque coniunctur esse Indulgentiae.

34 Post obitum S. Gregorij nonnullæ stationales Ecclesiæ fuerunt mutatae. quia de re lege Pompeium Vgonium loco citat. Illud ego obseruo, de titulis Ecclæsiarum stationalium Urbis fieri Officium seu commemorationem in Breuiario Romano, exceptis S. Omphrio, S. Balbina, & S. Quirico: & in illius quidem Ecclesia fuisse Stationem credimus tempore S. Gregorij; in huius autem instituta fuit seu translatâ aliquæ à Sexto IV. lege Vgonium supra.

Et hæc de Stationibus quæ habentur in Romano Missali, ne quid illius prætermittamus in hisce Commentarijs.

De Rubricis Proprij Missarum de Sanctis. XIII.

1 A Vigilia sancti Andreae sumunt exordium, quæ est Aduentus Domini proxima, à quo fit initium, ut diximus, Proprij de tempore.

2 Illud autem est certum, tria de Sanctis fieri solita, Vigilias, Festa, & Octauas. Vigilæ à Pastoribus cœperunt, qui vigilias nascente Christo custodierunt. Et tota nocte ante quædam Festa vigilabantur à populis noctivis; sed ob scandalum noctu contingentia, ieiunio & Vigiliatum nomine retentis, Vigilæ fuerunt interdictæ, ait Honor. in Gemma lib. 3. cap. 6.

3 A S. Ambrosio vulgo dicuntur

interdictæ, sed Baron. in Notis Mardiology ad 3. diem Januarij, probat fuisse portius auctas Vigilias tempore S. Ambrosij; neque tunc scandalum fuisse, de quibus cum opinione vulgo loquitur Honorius; neque unquam fuisse verum, S. Ambrosium interdictæ Vigiliarum vsum.

4 Indictæ vero sunt Vigiliae Sanctorum, tum ut Festum præueniendo sit solemnius, ex Radul. Prop. 19. tum, ut temporali eorum angustiæ compatiamur, & per pridianam purificati abstinentiam dignius celebremus sequentis Festi latitudinem, Alenin. de Parasene.

5 Festa

5 Festa Sanctorum Natalitia dicuntur à Tertul. lib. 6. de Coron. milit. quia cælo hinc emigrantes nascuntur, Alcuin. de Diuin Offic. Festa, quia ius in eis fatur, hoc est dicitur, Raban. lib. 2. c. 46. Festiuitates, quasi fasti diuinitatis, quia annuatim illis diebus ius diuinitatis persoluitur, Honor. in Gemma lib. 3. cap. 7. Celebritates, quasi Cælibum, id est castrorum ritus; quia in illis ritus cœlestium tamquam à castris agitur, idem ibidem. Solemnitates, quia fieri solent in anno, Beleth. cap. 3.

6 Porro ex Apostolica traditione manant, ex Baron. anno 58. n. 93. qui citat Clem. lib. 8. Constit. c. 39. & probat, primum Festum S. Stephano dicatum fuisse: neque Martyrum solum, sed etiam Pastorum & Doctorum Festa celebrata dote, ex Gregorio Nysseno Orat. in Laudem Basilij, & ex Nazianz. Orat. in Laudem Athan. Festa tamen Confessorum in Concilio Magniaco statuta sunt, ait Bellarm. lib. 2. de Missa cap. 20. anno 813. ad excitandam, inquit August. lib. 20. contra Faustum cap. 21. imitationem Sanctorum, vel ut meritis eorum consociemur, & orationibus adiuuemur. alias adfert causas Io. Dam. lib. 4. cap. 7. quæ in easdem ferè recidunt.

7 De Festis autem Sanctorum illud posset hoc loco quæri, quando in Missali habuere locum singula Festa, & apud quos, seu à quibus paulatim ad generalem consuetudinem transfere; sed hac de re fusiū & commodiū in

Commentarijs ad Rubricas Breniarij Romani, vbi etiam de Auctoribus Of- ficiarum cuiusque Missæ agemus.

8 Octauæ Sanctorum fiunt ad pro roganda eorumdem Festa, vt celebriora sint, tum ad compensanda ea quæ in Festis negliguntur, vt ait Radulph. Propos. 19. & quorundam fiunt, vt Octauarum mysteria pateant, non au tem omnium Festorum, ne vilescant, Durand. lib. 7. cap. 1.

9 Mysteria verò sunt; nimirum, quia per Octauas Sanctorum consummatio doctrinæ, ex S. Hilario in Psal. 118. solida eorum virtutis forma; ex Clem. Alex. Strom. 6. aeterna animatum & corporum glorificatio, ex Amb. Enarrat. 2. ad Horontianum, & August. lib. 2. Serm. in monte cap. 3. significantur. quæ fusiū explicatiū in Praefatione nostra ad Octauarium Romanum, editum & approbatum à sacra Rituum Congreg. die 19. Feb. 1622. à Moysè, Salomone, Apoltolis, & eorum successoribus eas deduximus. Ritum etiam ibidem significauimus, qui partim à Moysè est, vt dies Octaua æquè ac prima colenda sit, Len. 23. partim ex consuetudine antiqua Ecclesiar, quæ intermedios dies celebrat, ac si essent temporis Paschalis, id est cum lætitia, ait Radulph. loco citato.

10 Duo supersunt. Alterū ad Benedictionem candelarum spectat, & Processionē in Festo Purificationis B. Virginis. Alterum, quādo plures Missæ in diebus Sanctorum Festis sint cantādæ.

De Benedictione candelarum, & Processione in Festo Purificationis B. Virginis. XIV,

Purificatio beatæ Virginis dicta est Festum Simeonis, & Annæ, Præsentationis, Occursus, à Græcis, Hy-

pante, seu Hypapante, hoc est, Obviatione, Occursus; & cœpta est coli Constantinopoli sub Iustiniano Imperatore,

N n 3 tore,